

東鄉縣志

嘉慶乙亥新鐫

東鄉縣志

本城尊經閣藏板

東鄉縣志序

昔人有云九州之志謂之九邱志之作由來尚矣厥後周去鄒志見於經傳名雖存而未有其書其體裁不可得而考班孟堅作漢書始有地理食貨諸志然



窮史之一體而不專以志名顧其纂述叙次考核詳晰後世修志者實因之則不可謂非志之前準也唐宋以來州邑之志殆有成書迨後作者如林不可殫述然嘗竊謂邑去之修於一邑

之山川地理人物風俗制度興
廢莫不具備不獨別類分門可
為儒生考訂之資正以文獻所
在俾後之為治者觀覽之下得
以毋勢利導少化裁立規制俾
一邑之民皆得享其安全之利

其所繫洵非淺鮮也東邑為豫
宕渠地宋史藝文志有宕渠志
二卷其書久湮沒世傳明季遭
值兵燹東鄉典籍蕩然無存
國朝以來歷未纂修愚初蒞茲土
即思搜羅薈萃勒為成書詢討

舊歎茫無可考求之正史僅得
清平孫公遺稿惜其僅有數帙
未能成書晚而購以川省通志
乃乞孫公所輯時自通志抄出
其他河增無幾於是刊不廣布
延士採訪惜其地知志書之所

係者重且知志中去取之為策
身者罕幾又檢行篋中所携古
策甚鮮無泄質証爰取書吏舊
卷及棠邨諸書駭事之概視如
檢錄僅得數卷因指應討梓補
備一邑之文獻而已古人云修

史之籍莫難於志矧吾以志名
書乎東邑之志殆厄於明季又
自茲匪倡亂縣城失守穀米先
質遺籍以及典禮政績僅存之
煨燼之餘所謂存什一於千百
安在云云資考証而然及今收

錄存其大畧俾後之人得有所
依仿續而采之以補愚之所未
逮是則區區之志也夫

昔

嘉慶二十年歲次乙亥季秋月
賜進士出身知東鄉縣事加六級

補刊東鄉縣志序

癸酉秋余授徒東鄉來鹿書院覃年丈灼三以縣志殘缺議補而續之將付剞劂索序於余余寓東鄉三年矣與是邦人士晉接其山川道里風土人情得之聞見最多越歲將宦游於北身之所歷不以毫素記之陳迹亦泡影耳爰不揣謏陋而為之序

按古者輿圖掌之職方民風陳之太史志之所由昉而起也夫以天下之遼廓古今之綿遠民物事蹟之紛繁不能想像而知也必由志而考之叅之而其間紀載有疏漏字迹有差訛蠹蝕兵燹有摧耗不能墨而守也必於志而補之續之若此者所以紀實而傳信也故歷代史書而外一統有

志省有志郡有志至於縣志若甚微矣然一統之志集以省省之志集以郡郡之志集以縣則是縣志非甚微也縣志大備即郡志省志一統志大備縣志有缺即郡志省志一統志有缺如人之有肢體不可偏廢如樹之有枝葉不可或傷然則縣志之修烏容已乎獨是茲之補而續者義尤有

在是邑也其歷代名稱之不同鄰封疆界之所及與夫城郭村墟某山某水以及菽粟桑麻草木鳥獸之屬舊本詳矣無庸補且續也惟東鄉自王逆亂後數十年藍逆復熾焉紅羊之劫已再歷矣其經王逆之亂者節與義或傳其經藍逆之亂者節與義未必傳也其著節與義而有親族為表

白者或傳其著節與義而無親族為表白者未必傳也或屠沽而隱也或蓬蘼而行也或婦人女子之伶仃孤苦而不顯也荆山之璞豈無藏玉珊瑚之網豈少遺珠哉嗟乎古今來砥節礪行者其生平貞介潔清未享人間富若貴與一切容容厚福及慷慨赴義又無鴻才大筆為作傳記以發

潛德之幽光並不得掛一名於縣志中至與醉生夢死輩同其湮沒是區區者而不之畀也長逝者魂魄豈無憾耶而猶有顯焉者斯志中散失不下數十篇其錄記科第於近科未之及焉缺者補之斷者續之庶幾覽斯志者釋夏五郭公之疑無斷鳧續鶴之誚耳至於日積月累引而伸之觸

類而長之此後人之責也而亦於此基之
矣夫斯志之修也守土者固有其責亦賴
一二老成為之董率迺克葺其事今覃年
丈倡此舉其令嗣心堂已於是科登拔萃
之選行將赴都其騰達有可立待者顯微
闡幽之報夫豈或爽哉

欽加同知銜順天候補知縣文邦從謹序